

«JAHON SAVDO KOMPLEKSI» AJ
акциядорларининг
10.08.2021 йилдаги навбатдаги
умумий йиғилишида
ТАСДИҚЛАНГАН

«JAHON SAVDO KOMPLEKSI» акциядорлик жамиятининг
“КУЗАТУВ КЕНГАШИ ТЎҒРИСИДА”ги
НИЗОМИ

Андижон шаҳри 2021 йил

МУНДАРИЖА

I. Умумий қоидалар -----	3
II. Кузатув кенгашининг ваколатлари -----	3
III. Кузатув кенгаши аъзоларини сайлаш, тайинлаш ва уларнинг ваколатларини муддатидан аввал тугатиш -----	5
IV. Кузатув кенгашининг раиси -----	6
V. Кузатув кенгашининг йиғилишлари -----	6
VI. Кузатув кенгаши аъзоларининг ҳуқуқ ва мажбуриятлари -----	7
VII. Кузатув кенгаши аъзоларининг жавобгарлиги -----	8
VIII. Кузатув кенгаши аъзоларини тақдирлаш миқдорини аниқлаш тартиби -----	8
IX. Яқуний қоидалар -----	9

I. УМУМИЙ ҚОИДАЛАР

1.1. Ушбу Низом “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Ўзбекистон Республикаси Қонуни, бошқа қонунчилик ҳужжатлари, «JAHON SAVDO KOMPLEKSI» акциядорлик жамияти (кейинчалик Жамият) нинг устави, ва акциядорлик жамиятилари фаолияти самарадорлигини ошириш ва корпоратив бошқарувни такомиллаштириш бўйича Комиссия йиғилишининг 31.12.2015 йил 31 декабрдаги №9 сонли баёни билан тасдиқланган Корпоратив Бошқарув кодексига мувофиқ ишлаб чиқилган бўлиб, жамият кузатув кенгашининг мақомини белгилайди ва унинг ишини, аъзоларини сайлаш, ҳамда уларнинг ҳуқуқи ва мажбуриятларини тартибга солади.

1.2. Кузатув кенгаши жамият фаолиятига умумий раҳбарликни амалга оширади, қонун ва уставда фақат акциядорларнинг умумий йиғилиши ваколатига киритилган масалалар бундан мустаснодир.

1.3. Вазифаларни кузатув кенгашининг аъзолари ўртасида ҳар бир учун аниқ тарзда тақсимлаш кузатув кенгаши раиси томонидан амалга оширилади.

II. КУЗАТУВ КЕНГАШИНИНГ ВАКОЛАТЛАРИ

2.1. Жамият кузатув кенгашининг ваколатларига қуйидагилар киради:

жамиятни ривожлантириш стратегиясига эришиш бўйича кўрилаётган чора-тадбирлар тўғрисида жамият ижроия органининг ҳисоботини мунтазам равишда эшитиб борган ҳолда жамият фаолиятининг устувор йўналишларини белгилаш;

акциядорларнинг йиллик ва навбатдан ташқари умумий йиғилишларини чақириш, бундан “Акциядорлик жамиятлари ва акциядорларнинг ҳуқуқини ҳимоя қилиш тўғрисида”ги қонуннинг 65-моддасининг ўн биринчи қисмида назарда тутилган ҳоллар мустасно;

акциядорлар умумий йиғилишининг кун тартибини тайёрлаш;

акциядорларнинг умумий йиғилиши ўтказиладиган сана, вақт ва жойни белгилаш;

акциядорларнинг умумий йиғилиши ўтказилиши ҳақида хабар қилиш учун жамият акциядорларининг реестрини шакллантириш санасини белгилаш;

умумий йиғилиш ўтказиш учун жамият акциядорларининг реестри шакллантириладиган санани белгилаш;

дивиденд миқдори, уни тўлаш шакли ва тартиби юзасидан тавсиялар бериш;

“Акциядорлик жамиятлари ва акциядорларнинг ҳуқуқини ҳимоя қилиш тўғрисида”ги қонуннинг 59-моддаси биринчи қисмининг иккинчи хатбошисидан назарда тутилган масалаларни акциядорларнинг умумий йиғилиши ҳал қилиши учун киритиш;

мол-мулкнинг бозор қийматини белгилашни ташкил этиш;

жамиятнинг ижроия органини тузиш, раҳбарларини сайлаш(тайинлаш), уларнинг ваколатларини муддатидан илгари тугатиш;

жамиятнинг ижроия органига тўланадиган ҳақ ва компенсациялар миқдорларини белгилаш;

корпоратив котибни тайинлаш ва унинг фаолияти тартибини белгиловчи низомни тасдиқлаш;

ички аудит хизматини ташкил этиш ва унинг ходимларини тайинлаш, шунингдек ҳар чоракда унинг ҳисоботларини эшитиб бориш;

аудиторлик текширувини ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш ҳақида қарор қабул қилиш;

жамият ижроия органининг фаолиятига дахлдор ҳар қандай ҳужжатлардан эркин фойдаланиш ва жамият кузатув кенгаши зиммасига юклатилган вазифаларни бажариш учун бу ҳужжатларни ижроия органидан олиш. Жамият кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;

жамиятнинг тафтиш комиссияси аъзоларига (тафтишчисига) тўланадиган ҳақ ва компенсацияларнинг миқдорлари юзасидан тавсиялар бериш;

дивиденд миқдори, уни тўлаш шакли ва тартиби юзасидан тавсиялар бериш;

жамиятнинг захира фондидан ва бошқа фондларидан фойдаланиш;

жамиятнинг филиалларини ташкил этиш ва ваколатхоналарини очиш;

жамиятнинг шўъба ва тобе хўжалик жамиятларини ташкил этиш;

“Акциядорлик жамиятлари ва акциядорларнинг ҳуқуқини ҳимоя қилиш тўғрисида”ги қонуннинг 8 ва 9-бобларида назарда тутилган ҳолларда битимлар тузиш ҳақида қарор қабул қилиш;

жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш;

жамиятнинг корпоратив облигацияни қайтариб сотиб олиш тўғрисида қарор қабул қилиш;

жамиятнинг устав фондидан (устав капиталини) кўпайтириш масалаларини, шунингдек жамият уставига жамиятнинг устав фондидан (устав капиталини) кўпайтириш ҳамда жамиятнинг

эълон қилинган акциялари сонини камайтириш билан боғлиқ ўзгартиш ва қўшимчалар киритиш тўғрисидаги масалаларни ҳал қилиш;

“Акциядорлик жамиятлари ва акциядорларнинг ҳуқуқини ҳимоя қилиш тўғрисида”ги қонуннинг 34-моддасига мувофиқ акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;

жамият томонидан корпоратив облигациялар, шу жумладан, акцияларга айирбошланадиган облигациялар чиқариш тўғрисида қарор қабул қилиш;

қимматли қоғозларнинг ҳосилаларини чиқариш тўғрисида қарор қабул қилиш;

жамиятнинг корпоратив облигацияни қайтариб сотиб олиш тўғрисида қарор қабул қилиш;

жамиятнинг устав фондини эълон қилинган акцияларнинг сони ва турлари доирасида қўшимча акцияларни жойлаштириш йўли билан қўпайтириш;

акцияларни жойлаштириш тўғрисида қарор қабул қилишда акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини қимматли қоғозлар савдоси ташкилотчиларининг савдо майдончаларида вужудга келаётган нархлар конъюнктурасидан келиб чиққан ҳолда белгилаш;

акциялар чиқариш тўғрисидаги қарорни тасдиқлаш;

эмиссия рисоласини тасдиқлаш;

аввал рўйхатдан ўтказилган қимматли қоғозлар чиқаришларига (қимматли қоғозларни чиқариш тўғрисидаги қарор ва (ёки) рисолага) ўзгартиришлар ва (ёки) қўшимчалар киритиш тўғрисида қарор қабул қилиш;

ахборот сиёсати тўғрисидаги низомни тасдиқлаш;

жамиятда корпоратив бошқарув тизимини баҳолаш учун кўрик асосида мустақил ташкилотни жалб қилиш;

жамият ўзи жойлаштирган акцияларни уларни кейинчалик белгиланган тартибда қайта сотиш мақсадида қарор қабул қилиш.

Жамият кузатув кенгашининг ваколат доирасига киритилган масалалар ҳал қилиш учун жамиятнинг ижроия органига ўтказилиши мумкин эмас.

2.2. Корпоратив бошқарув кодекси тавсияларини жорий қилиш учун Кузатув кенгаши қуйидагиларни амалга оширади:

жамиятнинг ижроия органи, ички назорат органлари, коллегиял ижро этувчи органлар фаолиятини мувофиқлаштириш, зарур бўлган ҳолатларда жамиятни ривожлантириш режасини ишлаб чиқиш ва унда белгиланган мақсадларга эришиш жараёнини мониторингни олиб бориш учун экспертларни жалб қилиш;

акциядорлик жамиятининг ташкилий тизимини ишлаб чиқиш, жорий қилиш ва уни қонунчилик талабларига мослигини мунтазам баҳолаш бўйича ишларни мувофиқлаштириш, ҳамда йиллик молиявий ҳисоботларни молиявий ҳисоботларнинг халқаро стандартлари асосида эълон қилинишини таъминлаш;

корпоратив бошқарув кодекси тавсияларини жорий қилиниши устидан назорат қилиш.

2.3. Жамият кузатув кенгаши ваколатларига қонунчилик ва жамият низомига мувофиқ бошқа масалаларни ҳал қилиш ҳам киритилиши мумкин.

2.4. Жамият кузатув кенгашининг ваколат доирасига киритилган масалалар ҳал қилиш учун жамиятнинг ижроия органига ўтказилиши мумкин эмас.

III. КУЗАТУВ КЕНГАШ АЪЗОЛАРИНИ САЙЛАШ, ТАЙИНЛАШ ВА УЛАРНИНГ ВАКОЛАТЛАРИНИ МУДДАТИДАН АВВАЛ ТЎХТАТИШ

3.1. Жамият кузатув кенгашининг аъзолари қонунда ва жамият уставида назарда тутилган тартибда акциядорларнинг умумий йиғилиши томонидан бир йил муддатга сайланади.

3.2. Жамият кузатув кенгашининг сон таркиби жамият устави билан белгиланади.

3.3. Жамиятнинг кузатув кенгаши таркибига сайланган шахслар чекланмаган тарзда қайта сайланиши мумкин.

3.4. Жамият бошқарув раиси, ижроия органи аъзолари ва айни шу жамиятда меҳнат шартномаси (контракт) бўйича ишлаётган шахслар жамиятнинг кузатув кенгашига сайланиши мумкин эмас.

3.5. Акциядор ўзгарган, кузатув кенгаши аъзоси томонидан ўз мажбуриятларини бузиш ҳолатлари юз берган, кузатув кенгашининг тегишли аризаси бўлган ва бошқа асосларга кўра кузатув кенгаши аъзосининг ваколатлари муддатидан аввал тугатилиши мумкин.

3.8. Жамият кузатув кенгаши таркибига сайланаётган номзодлар олий маълумотли ҳамда камида икки йил иқтисодий тармоқ соҳаларида амалий (шу жумладан, ўриндошлик бўйича) иш стажига эга бўлиши ва корпоратив бошқарувчи малака аттестатига (давлат улуши бўйича) ва/ёки корпоратив бошқарув илмий таълим марказининг махсус дастури бўйича ўқув курсларини тамомлаганлик тўғрисидаги давлат сертификатига эга бўлган бўлишлари шарт, қуйидагилар бундан мустасно:

- Ўзбекистон Республикаси Президенти ёки Ўзбекистон Республикаси Вазирлар Маҳкамасининг қарорларига асосан хўжалик жамиятларининг устав капиталидаги давлат улуши бўйича давлатнинг ишончли вакиллари ва кузатув кенгаши аъзолари сифатида номма-ном (лавозими бўйича) тайинланадиган шахслар;

- маҳаллий давлат ҳокимияти органларидан ташқари давлат органлари раҳбарлари ва уларнинг ўринбосарлари.

Жамиятнинг устав капиталидаги давлатга тегишли бўлмаган акциялар бўйича жамият кузатув кенгаши аъзолигига номзодлар Корпоратив бошқарув илмий таълим марказининг корпоратив бошқарувчи малака аттестати ёки махсус дастури бўйича ўқув курсларини тамомлаганлик тўғрисидаги сертификатга эга бўлган бўлишлари лозим.

3.9. Жамиятнинг кузатув кенгаши аъзолари сайлови кумулятив овоз бериш орқали амалга оширилади.

3.10. Кумулятив овоз беришда ҳар бир акциядорга тегишли овозлар сони жамиятнинг кузатув кенгашига сайланиши лозим бўлган шахслар сонига кўпайтирилади ва акциядор шу тариқа олинган овозларни битта номзодга тўлиқ беришга ёки икки ва ундан ортиқ номзодлар ўртасида тақсимлашга ҳақли.

3.11. Энг кўп овоз тўплаган номзодлар жамият кузатув кенгашининг таркибига сайланган деб ҳисобланади.

3.12. Миноритар акциядорлар ҳуқуқларини ҳимоя қилиш мақсадида назорат пакети эгаси бўлган акциядор кузатув кенгаши таркибига жамият умумий акциялари сонига мутаносиб равишда номзод киритади. Яъни жамият Кузатув кенгаши аъзолари сони 7 киши бўлганда назорат пакети акцияси эгаси кузатув кенгаши таркибига энг кўпи билан 4 аъзо киритишга ҳақли.

IV. КУЗАТУВ КЕНГАШИ РАИСИ

4.1. Жамият кузатув кенгаши раиси кузатув кенгаш аъзолари томонидан унинг таркибидан кузатув кенгашга сайланган (тайинланган) аъзолар умумий сонининг кўпчилик овози билан сайланади.

4.2. Жамиятнинг кузатув кенгаши ўз раисини кузатув кенгаши аъзоларининг умумий сонига нисбатан кўпчилик овоз билан қайта сайлашга ҳақли.

4.3. Жамият кузатув кенгашининг раиси унинг ишини ташкил этади, кузатув кенгаши мажлисларини чақиради ва уларда раислик қилади, мажлисларда баённома юритилишини ташкил этади, акциядорларнинг умумий йиғилишида раислик қилади.

4.4. Жамият кузатув кенгашининг раиси бўлмаган тақдирда унинг вазифасини кузатув кенгашининг аъзоларидан бири амалга оширади.

V. КУЗАТУВ КЕНГАШИНИНГ МАЖЛИСИ

5.1. Жамият кузатув кенгашининг мажлиси кузатув кенгашининг раиси томонидан унинг ўз ташаббусига кўра, жамият кузатув кенгаши, тафтиш комиссияси (тафтишчисининг), ижроия органи, шунингдек йиғма ҳолда жамиятнинг овоз берувчи акцияларининг бир фоизидан кам бўлмаган улушга эга бўлган акциядор (акциядорлар) нинг талабига кўра чақирилиши мумкин;

5.2. Кузатув кенгаши мажлиси кузатув кенгаши раиси томонидан чақирилади ва қоидага кўра, чоракда камида бир марта ўтказилади. Мажлисда қуйида келтирилган масалалари албатта кўриб борилиши лозим:

- жамият бизнес режасининг бажарилишининг бориши, жамиятнинг ривожланиш истиқболига эришиш учун қўлланилаётган чоралар, жамият таркибига кирган корхоналар фаолияти бўйича қилинган ишлар ва уларнинг бизнес-режаларида белгиланган кўрсаткичларнинг бажарилиши, ҳамда жамиятнинг бошқа ички ҳужжатлари юзасидан ижроия органининг ҳисоботини;

- ички аудит хизмати ҳисоботини;

- жамиятда аффилланган шахслар билан битимлар ёки йирик битимлар мавжудлиги, қонунчиликка риоя қилиниши ва шундай битимларни тузиш борасидаги жамиятнинг ички хужжатлари тўғрисидаги тафтиш комиссиясининг хулосаларини.

5.3. Жамият кузатув кенгашининг мажлисини ўтказиш учун кворум жамият кузатув кенгашига сайланган аъзоларнинг 75 фоизидан кам бўлмаслиги керак.

5.4. Жамият кузатув кенгаши аъзоларининг сони жамият уставида назарда тутилган миқдорнинг етмиш беш фоизидан кам бўлган тақдирда, жамият кузатув кенгашининг янги таркибини сайлаш учун акциядорларнинг навбатдан ташқари умумий йиғилишини чақириши шарт. Кузатув кенгашининг қолган аъзолари акциядорларнинг бундай навбатдан ташқари умумий йиғилишини чақириш тўғрисида қарор қабул қилишга ҳақлидир.

5.5. Жамият кузатув кенгашининг мажлисида қарорлар, мажлисда ҳозир бўлганларнинг кўпчилик овози билан қабул қилинади. “Акциядорлик жамиятлари ва акциядорларнинг ҳуқуқларини химоя қилиш тўғрисида”ги Ўзбекистон Республикаси Қонунида назарда тутилган масалалар бундан мустасно. Жамият кузатув кенгашининг мажлисида масалалар ҳал этилаётганда кузатув кенгашининг ҳар бир аъзоси битта овозга эга бўлади.

Жамият кузатув кенгаши аъзоларининг овозлари тенг бўлган тақдирда кузатув кенгаши томонидан қарор қабул қилишда жамият кузатув кенгаши раисининг ҳал қилувчи овоз ҳуқуқига эга.

5.6. Жамият кузатув кенгашининг бир аъзоси ўз овозини кузатув кенгашининг бошқа аъзосига беришига йўл қўйилмайди.

5.7. Жамият кузатув кенгашининг мажлисида баённома юритилади. Кузатув кенгаши мажлисининг баённомаси мажлис ўтказилганидан сўнг ўн кундан кечиктирмай тузилади.

5.8. Мажлис баённомасида қуйидагилар кўрсатилади:

- мажлис ўтказилган сана, вақт ва жой;
- мажлисда ҳозир бўлган шахслар;
- мажлиснинг кун тартиби;
- овоз беришга қўйилган масалалар, улар юзасидан ўтказилган овоз бериш яқунлари;
- қабул қилинган қарорлар.

5.9. Жамият кузатув кенгаши мажлисининг баённомаси мажлисда иштирок этаётган жамият кузатув кенгаши аъзолари томонидан имзоланади, улар мажлис баённомаси тўғри расмийлаштирилиши учун жавобгар бўлади.

5.10. Жамият кузатув кенгаши мажлисининг баённомаси имзоланган куни жамиятнинг ижроия органига ижро этиш учун топширилади. Кузатув кенгаши акциядорларнинг умумий йиғилишини чақириш тўғрисида қарор қабул қилган тақдирда мазкур қарор ҳақидаги ахборот жамиятнинг ижроия органига кузатув кенгашининг мажлиси ўтказиладиган куни топширилади.

5.11. Кузатув кенгашининг мажлислари тафтиш комиссияси, ички аудит хизмати ва ижроия органининг ҳисоботлари тингланадиган ҳолатлардан ташқари сирдан овоз бериш йўли (сўров йўли) билан ўтказилиши мумкин. Бунда кузатув кенгашининг қарорлари жамият кузатув кенгашининг барча аъзолари томонидан бир овоздан қабул қилиниши мумкин.

Техник имкониятлар ва кузатув кенгаши аъзоларини идентификация қилишни таъминловчи бошқа техник воситалар мавжуд бўлганида кузатув кенгашининг йиғилишлари видеоконференца алоқа усулида ўтказилиши мумкин.

VI. КУЗАТУВ КЕНГАШИ АЪЗОЛАРИНИНГ ҲУҚУҚ ВА МАЖБУРИЯТЛАРИ

6.1. Кузатув кенгаши аъзоси қуйидаги ҳуқуқларга эга:

кузатув кенгаши мажлисида шахсан қатнашиш, йиғилишда муҳокама қилинаётган масала юзасидан регламент билан ажратилган вақт доирасида сўзга чиқиш;

кузатув кенгаши қарорига кўра муайян даврда акциядорлик жамиятининг фаолияти, уни ривожлантириш режалари тўғрисида ахборот олиш;

кузатув кенгашида ишлаганлик учун қонунчилик ва жамият ички хужжатларида белгиланган тақдирлаш пули ва (ёки) харажатларнинг қопламаси (компенсацияси)ни олиш;

қонунчилик ва жамият уставидан назарда тутилган бошқа ҳуқуқлар;

кузатув кенгаши қошида кузатув кенгаши, ижроия органи аъзолари, акциядорлик жамияти ходимлари ва жалб қилинган экспертлар (тегишли ихтисосликлар бўйича мутахассислар, олий ўқув юрти ўқитувчилар таркиби) ни жалб қилган ҳолда кўмиталар (ишчи гуруҳлар) ташкил қилиш, шу жумладан низоли ҳолатлар, аудит, кадрлар ва бошқалар бўйича бўйича кўмита (ишчи гуруҳ).

6.2. Кузатув кенгаши аъзоларининг мажбуриятлари:

жамият билан битим тузишда аффилиланган эканлиги тўғрисида тузилиши кутилаётган битим ҳақидаги маълумотларни, шу жумладан, битимда иштирок этаётган шахслар, битим предмети тўғрисидаги маълумотларни, тегишли шартноманинг муҳим шартларини батафсил кўрсатган ҳолда ёзма билдириш юбориш орқали жамиятни хабардор этиш;

Ўзининг лавозим мажбуриятларини халол, шунингдек акциядорлик жамияти манфаатлари йўлида улар энг яхши деб ҳисоблайдиган усул билан амалга ошириш;

қонунчилик ва жамият уставидан назарда тутилган бошқа мажбуриятлар.

6.3. Кузатув кенгаши аъзолари акциядорлик жамияти имконияти (мулкӣ ва номулкӣ ҳуқуқлар, хўжалик фаолияти соҳасидаги имкониятлар, АЖ нинг фаолияти ва режалари тўғрисидаги ахборот)дан шахсий бойлик орттириш мақсадида фойдаланиш ҳуқуқига эга эмас.

VII. КУЗАТУВ КЕНГАШИ АЪЗОЛАРИНИНГ ЖАВОБГАРЛИГИ

7.1. Кузатув кенгаши аъзолари ўз ҳуқуқларидан фойдаланиш ва мажбуриятларини бажаришда жамият манфаатларидан келиб чиқиб ҳаракат қилишлари лозим ва қонунчилик ҳамда жамият уставига мувофиқ зиммасига жавобгарликни оладилар.

7.2. Агар жавобгарлик бир неча шахсга юклатилаётган бўлса, улар жамият олдида солидар жавобгар ҳисобланадилар.

7.3. Жамиятга зарар етказилишига сабаб бўлган қарорга овоз беришда иштирок этмаган ёки ушбу қарорга қарши овоз берган жамият кузатув кенгаши аъзолари жавобгар бўлмайди, бундан Қонуннинг 90-моддасида белгиланган ҳоллар мустасно.

7.4. Жамият ёки у жойлаштирган акцияларнинг ҳаммаси бўлиб камида бир фоизига эгалик қилувчи акциядор (акциядорлар) жамиятга етказилган зарарларнинг ўрнини қоплаш тўғрисидаги даъво билан жамиятнинг кузатув кенгаши аъзоси устидан судга мурожаат қилишга ҳақли.

VIII. КУЗАТУВ КЕНГАШИ АЪЗОЛАРИНИ ТАҚДИРЛАШ МИҚДОРНИ АНИҚЛАШ ТАРТИБИ

8.1. Кузатув Кенгаши аъзоларига жамиятнинг корпоратив бошқарув тизими ва молиявий хўжалик фаолиятини баҳолаш натижаларига кўра тақдирланади.

8.2. Жамият ҳар ойда (ҳар чорақда, ҳар олти ойда, йилда) бошқарув тизими ва молиявий хўжалик фаолиятини муस्ताқил баҳоланишини ўтказиб боради.

8.3. Муस्ताқил баҳолаш натижалари кузатув кенгаши раиси ва уларнинг аъзоларини тақдирлаш миқдорини аниқлаш учун асос бўлиб хизмат қилади.

8.4. Муस्ताқил баҳолаш ташкилот томонидан берилган хулосага мувофиқ кузатув кенгашининг фаолият натижалари қониқарсиз, паст, қониқарли ва юқори деб эътироф этилиши мумкин.

8.5. Кузатув кенгашининг аъзоси вазифаларини бажариш билан боғлиқ харажатларининг ўрни қоплаш учун кузатув кенгаши раисига аъзосига ҳар ойда Ўзбекистон Республикасида белгиланган меҳнатга ҳақ тўлашнинг энг кам миқдорининг 2 (икки) баробари, кузатув кенгаши аъзоларига Ўзбекистон Республикасида белгиланган меҳнатга ҳақ тўлашнинг энг кам миқдорининг 1,5 (бир ярим) баробаридан кам бўлмаган миқдорда амалга оширилади.

Яъни 10.08.2021 йил ҳолатига:

1. Кузатув кенгаши раисига $747\ 300 \times 2 = 1\ 494\ 600$ сўм

2. Кузатув кенгаши аъзоларига $747\ 300 \times 1,5 = 1\ 120\ 950$ сўм миқорида ҳар ойда ҳақ тўланади.

Агар Ўзбекистон Республикаси Президентининг ёки Ҳукуматнинг тегишли қарорларига асосан Ўзбекистон Республикасида меҳнатга ҳақ тўлашнинг энг кам миқдори ўзгарса, у ҳолда жамият кузатув кенгаши аъзоларига тўланадиган юқоридаги ҳисоблаш миқдори ҳам ўзгаради.

8.6. Ушбу Низомнинг 8.5.-бандида кўрсатилган тўловлар жамият ишлаб чиқариш фонди ва даромадлари ҳисобидан амалга оширилади.

IX. ЯКУНИЙ ҚОИДАЛАР

9.1. Кузатув кенгаши аъзоларини керакли маълумотлар, ҳамда уларни акциядорлар ва инвесторлар билан алоқасини таъминлаш учун масъул бўлиб акциядорлар билан корпоратив муносабатлар Бошқармаси (бўлими) ёки қимматли қоғозлар бўйича мутахассис ёки корпоратив котиб масъул бўлиб ҳисобланади.

9.2. Ушбу Низом талабларини бузишда айбланган шахслар белгиланган тартибга жавобгарликка тортиладилар

9.3. Агар ушбу Низомнинг айрим моддалари Ўзбекистон Республикасининг ҳаракатдаги қонунчилиги ва (ёки) жамият уставига зид келиб қолса, ушбу моддалар ўз кучини йўқотган деб ҳисобланади, ҳамда ушбу моддалар бўйича тартибга солинаётган масалаларни ҳал қилишда ушбу

Низомга тегишли ўзгартиришлар киритилгунга қадар Ўзбекистон Республикасининг ҳаракатдаги қонунчилиги ва (ёки) жамият уставида белгиланган ҳолатларга таяниб иш олиб борилади.